



FAQAR

Bukan sekadar blog

HOME · PROFIL · ARTIKEL · FACEBOOK · TWITTER

March 07, 2012


UMNO DIAM LIHAT MELAYU TG TOKONG MUSNAH?

'JALUR WARISAN TANJONG TOKONG'

Melayu gesa Uda hormati Kerajaan Negeri P.Pinang

MELAYU Kampung Tanjong Tokong meminta campurtangan daripada Kerajaan Negeri Pulau Pinang bagi mewartakan kampung mereka sebagai kampung warisan.

Pengerusi Persatuan Penduduk Kampung Tanjong Tokong, Cikgu Mohd Salleh Yahaya (**kanan**) berkata demikian gara-gara hilang kepercayaan terhadap pemaju Uda Holdings Berhad bagi membela kepentingan Melayu di atas tanah tersebut.



Kapsyen: Cikgu Mohd Salleh menunjukkan beberapa dokumen mengenai usaha menjadikan sebahagian tanah Tanjong Tokong sebagai 'kampung warisan.'

Beliau yang juga Pengerusi Badan Bertindak Warisan dan Pembangunan Semula Tanjong Tokong (Bapak) berkata, Perdana Menteri Tun Abdul Razak pada tahun 1974 dulu mengarahkan Kerajaan Negeri Pulau Pinang menyerahkan tanah tersebut kepada Uda yang ditubuhkan di bawah kerajaan pusat sendiri dengan syarat usaha mengekalkan penempatan Melayu bandar mesti dilakukan, di sini.



"Syarat nyata itu adalah ke arah pengekelan kampung, bukan penghapusan kampung. Apa yang dilakukan oleh Uda bertentangan dengan syarat pengekelan kampung sebagaimana amanat Tun Razak.

"Apa yang dilihat, bukan bertambah baik, tetapi lebih teruk selepas pembabitan Uda selama 37 tahun ini," ujarinya pada satu sidang media, di sini.

Difahamkan, sebahagian tanah kampung tersebut diserahkan kepada Uda untuk dimajukan sebagai pembangunan Melayu bandar.

Manakala, sebahagian tanah yang lain dijual oleh Kerajaan Negeri Pulau Pinang kepada Uda dengan harga serendah RM1 sekaki persegi.

Melayu terus tagih janji Umno, Najib!



"Uda ditubuhkan untuk meramaikan Melayu dalam bandar, tetapi projek mereka di atas tanah yang diserahkan oleh kerajaan negeri ini menghapuskan Melayu dari bandar," ujarinya.

Beliau berkata, banyak memorandum telah dipanjangkan kepada Perdana Menteri, Datuk Seri Najib Tun Razak dan Tun Abdullah Ahmad Badawi (bekas perdana menteri), namun tiada reaksi positif diterima.

Dalam pada itu, beliau berharap Ketua Menteri Pulau Pinang, Y.A.B Tuan Lim Guan Eng dapat menjadi orang tengah di antara penduduk Kampung Tanjong Tokong dan Uda.

Ini kerana katanya, Guan Eng pada 29 Oktober tahun lepas antara lain membuat pengumuman



di Dewan Undangan Negeri (DUN) Pulau Pinang bahawa ketua menteri itu mahu menggezetkan kedudukan Tanjong Tokong sebagai kampung warisan.

"Perbincangan dengan Kerajaan Negeri masih positif dan ada penegasan dari ketua menteri sendiri, tapi masalahnya ada di pihak Uda.

"Y.A.B (Guan Eng) meminta pihak Uda menghormati hasrat penduduk-penduduk di kampung ini dan kerajaan negeri Pulau Pinang selaku pemilik asal tanah Tanjong Tokong," ujar beliau merujuk pada laporan akhbar the Star 31 Januari lepas.



WARISAN... Rumah Puteh British (kiri) dan meriam lama (kanan) antara monumen bersejarah berharga yang masih berdiri kukuh di kaki bukit dekat Tanjong Tokong. | sumber: BAPAK.



Beliau mencadangkan satu "Jalur Warisan" digazetkan meliputi Warisan Madrasah Al-Taqwa (sejak 1925) dan Warisan Persekutuan Setia Tanjong Tokong (sejak 1911) selain memulihara 30 buah rumah warisan, di sini.

"Pembangunan adalah kesinambungan moden dan tradisi, Pulau Pinang yang begitu kaya dengan

pelbagai warisan tetapi malangnya tidak ada warisan asal iaitu (kampung) warisan Melayu. Bukan konsep galeri atau muzium yang Uda cadang, bagi kami warisan sebegitu mati," ujarnya.

Dari 73 tanah yang diserahkan kepada Uda atas nama Dasar Ekonomi Baru (DEB), beliau mendakwa Uda langsung tidak membangunkan projek demi kepentingan rakyat terbanyak.

48 ekar tanah sudah dibangunkan. Penduduk asal yang masih mendiami tanah berbaki kira-kira 25 keluarga sahaja manakala penduduk asal yang lain telahpun berpindah ke perumahan sementara.

Beliau bagaimanapun berkata, majoriti penduduk Kampung Tanjong Tokong terbabit tidak pernah menolak pelan pembangunan flat yang dikemukakan oleh Uda dengan syarat "Jalur Warisan" diwartakan oleh Kerajaan Negeri Pulau Pinang.

Dalam perkembangan yang sama, *Nota Merah* sebelum ini telahpun mendedahkan **Melayu Tanjong Tokong anggap Uda, Umno khianat.**

Pendedahan demi pendedahan ini sekaligus seakan menyerlahkan sikap munafik Umno Pulau Pinang kononnya membela rakyat *marhaen* Melayu terbanyak di negeri berkenaan. -END

Kami penyamun - penyamun



COMMENTS



Enter Comment

POPULAR POSTS

April 04, 2013

PARIS HILTON, LADY GAGA, JUSTIN BIEBER KE P.PINANG DEMI
TEBUS MARUAH NAJIB?

Share 37 comments



September 06, 2019

MAHATHIR ANGGAP MELAYU MALAS, NAJIB PERBAIKI EKONOMI
RAKYAT MALAYSIA

Share 4 comments



Powered by Blogger

Blog ini ganti pada notamerah.wordpress.com yang digodam 15 Feb.2012, 11.27 malam | Copyright ©2014



Archive



Labels



Report Abuse